



UNIVERSITÄTS-
BIBLIOTHEK
PADERBORN

Universitätsbibliothek Paderborn

Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten

...

namentlich in Beziehung auf Anhalt, Bayern, Böhmen, ... und andere
Länder ; [Urkunden-Sammlung für die Geschichte der auswärtigen
Verhältnisse]

Riedel, Adolph Friedrich

Berlin, 1847

MDLXXXI. König Albrechts dem Markgrafen Friedrich ertheilte Bestätigung,
vom 29. April 1438.

[urn:nbn:de:hbz:466:1-54183](https://nbn-resolving.org/urn:nbn:de:hbz:466:1-54183)

MDLXXXI. König Albrechts dem Markgrafen Friedrich ertheilte Bestätigung, vom
29. April 1435.

Wir Albrecht, von gots gnadenn Romischer konig zu allen zeiten merer des Reichs vnd zu hungern, dalmacien, Croacien etc. konig, Erwelter konig zu Beheim vnd herczog zu Osterreich etc. Bekennen vnd Thun kunt offenbar mit dissem briue allen den, die in sehen ader horen lesen. Wiewol wir den Erwürdigen vnd hochgebornnen vnfern liben Neuen vnd Oheyemen allen des heiligen Romischen Reichs kurfursten, Nach deme vnd sy vns in der wafe vnd kure des heiligen Reichs, der vns der almechtige got gegonnet hat, willig, gunstlich vnd vnfern halben vnuerdint geneigt gewesen sein, billich widerumb aller eren, Wird vnd nutzperlikeit pflichtig sein, Ydoch So sollen wir Ine vil billicher vnd mogelicher in solchen sachen willig vnd bereit sein, die sie nach laute der gulden bullen haben sollen vnd in zugehorenn: vnd Als vns nu der egenant vnfern liben Neuen vnd Oheim erbere vnd trefliche Sende boten, die vns die wale des heiligen Reichs bracht haben, ouch vnder andern sachen funderlich gebeten haben, In allen vnd irer iglichen seine freiheit, briue, Priuilegia, recht vnd herlikeit zu Confirmiren vnd nach laute der gulden Bullen zu bestetigen, des wir auch funderlich von wegen des hochgeborn fridrichs Marggrauen zu brandburg, des heiligen Romischen Reichs Ertzkamerer vnd Burggrauen zu Nuremberg vnfers liben Oheim vnd kurfursten, gebeten worden sein. Vnd darumb mit wolbedachtem Mute, gutem Rate vnd rechter wissen, So haben wir vf hewt datum diszs briues dem egemelten vnferm Oheimen alle vnd igliche seine Priuilegia, freiheit, herlikeit, Recht, gewonheit vnd loblich herkommen wie vnd in welcher mas die genant vnd von Romischen keyfern ader konigen vorzeiten geben vnd verlihen findt biz vf dissen hewtigen tag mit Rechter wissen vnd von Romischer koniglicher gewalt Confirmiret, bestetigt vnd belibet, Confirmiren, bestetigen vnd beliben die alle von Newes in Craft disz briues vnd disse Confirmation vnd gabe sol als gantz macht han, Als ob dieselbigen Priuilegia, freiheit, herlikeit, Recht, gewonheit vnd herkommen von worte zu worte in delfem vnferm briue geschriben weren. Vnd Wann Vnser koniglich Maiestat Ingefigel noch nicht gemacht ist, So Sprechen vnd globen wir in craft diszs briefs, So balde vnser Maiestat Ingefigel gemacht wirt vnd sy des begern werden, So fullen vnd wollen wir dieselben vnferm Oheimen ader seinen nachkommen vber alle seine Recht, freiheit etc. als vorgeschriben steet vnser koniglich briue in der besten forme, do dieselben von worte zu wort jngeschriben sein, Erneuen alles mit der egenanten vnfer Maiestat Ingefigil on alles verczihenn, Intrag vnde arglist: vnd als balde wir mit der hilfe gots keyser werden, So wollen wir solche freiheit, recht vnd Priuilegia, als obgemelt ist, vnder vnferm keyserlichen tytel aber vernewen vnd geben. Vnd des zu Orkund haben wir vnser Romisch koniglichs Ingefigil, das mynner, an dissen briue mit Recht wissen thun hengen. Geben zu Wienn, Nach cristi geburt XIII^e. Jar vnd darnach in dem XXXVIII Jare, am Nesten dinstag vor sand philippus vnd Jacobs tag der heiligen zwelfboten, vnser Reiche des Romischen vnd Hungerischen im ersten Jare.

Ad mandatum domini Regis Caspar Slick miles cancellarius.

Nach dem kurtmärk. Lehnscopialbuche II, f. 5.